

**Ntam Inakaanewiziwan
Minikwe Nibiish
GIIZHIKIGAADEG**

**AANKOBIIGAN N
WIINDAMAAGEWIN OWI GIIZHIKIGAADEG
DIBAMAADIWIN MINWAABMDAMIWIN
(GENOBIIGAADEG MIINWAA
DEKOBIIGAADEG MOSHKINEBIIGANAN)**

Gnowaabmdan owi e'aanksijigaadeg

Dekobiigaadeg Moshkinebiigan Wiindamaagewin owi Giizhiikigaadeg Dibamaadiwin Minwaabmdamiwin

**Giizhiikigaadeg owi Ntam Inakaaneziwan Minikwe Nibiish Wiindamaagewin
Maamowi Yaang Dikonigewin**

Agii adaa ana Ntam Inakaaneziwan Akiing agaa yaamiwaad owi minikwe nibiish wiindamaagewin biitiwiwiing 1995 miinwaa 2021? Giishpin gegeti, gnimaa gdaa miigse owi dibagese dibamaadiwin.

**Aga bigosenimogwo weweni awii gindaman
maanda dibaajimowin.**

Awii gindaman maanda dibaajimowin wemitogzhiibiigaadeg: firstnationsdrinkingwater.ca

Dibaakinige gamgoon agii minwaabmdaanaa owi Giizhiikigewin biitwi Gaanada miinwaa aanin Ntam Inakaanewiziwan miinwaa debendaagozjig zhiwe agaa yaawaad newen gichi gnesh minikwe nibiish wiindamaagewin biitwi 1995 miinwaa 2021.

Wegnesh e'digoyaad maampii?

Bebezhig bemaadizijig digoyaawog zhiwe Maamowi Yaang giishpin:

1. yaa-aabi agii bimaadiziwaad Baashkaakodin-giizis 20, 2017;
2. agii dibendaagoziwog owi shkonigan, ezhi waawinijigaadeg zhiwe *Anishinaabe Bimaakinigaaziwaad*, maage Giizhaa Agaa Yaajig bemaadizijig maampii Gaanada, adash gaawii gewe Eshkiimewi maage Wiisaakode Giizhaa Agaa Yaajig bemaadizijig maampii Gaanada, gewe waajii-ejig owi shkiwii waawiindamaagewin (owi "**Ntam Inakaanewiziwin**"), owi ozhisijigaadeg ado kiimwaan dogisin owi Inaaknigewin, owi *Ntam Inakaanewiziwin Aki Biminizhigaadeg Naaknigewin*, maage owi shkiwii waawiindamaagewin ("**Ntam Inakaanewiziwan Akiin**"); miinwaa
3. gnigen gwa nigo biboon biitwiwiing Baashkaakodin-giizis 20, 1995, miinwaa Odemiini-giizis 20,2021, gagwech gwa agii daawog Ntam Inakaanewiziwin akiing agaa yaamiwaad owi minikwe nibiish wiindamaagewin (wegidagwen gwa gwii gizhaagmizigaadeg nibiish, awii bwaa minikweng, maage awii bwaa nikaazang wiindamaagewin, maage gego bkaan dnowaa) agaa temigag gnigen gwa nigo biboon biitwiwiing Baashkaakodin-giizis 20, 1995, miinwaa Odemiini-giizis 20,2021, ("**Bitakshkaagwod Ntam Inakaaneziwan**") agaa piichi temigag minikwe nibiish wiindamaagewin gnigen gwa nigo biboon agii zhising.

Bitakshkaagwod Ntam Inakaaneziwan digoyaawog giishpin daapinamiwaad owi giizhiikigewin jibwaa Manidoo-giizisoons 2, 2022. Bitakshkaagwod Ntam Inakaaneziwan gaawii e' daapinaziwaad owi giizhiikigewin jibwaa maanda apii gaawii ada debinaziinaa-aa dibagese dibamaadiwin.

Maagejig bemaadizijig adaa debinaanaa-aa dibagese dibamaadiwin waa-aaj gwa giishpin ado Ntam Inakaanewiziwan maage owi Ntam Inakaanewiziwin akiing agaa daawaad, gaawii daapinaziwaad owi giizhiikigewin.

Maagsejig bemaadizijig agaa ndaadiziwaad jibwaa Baashkaakodin-giizis 20, 1995, ada dibamaagaaziwog giishpin gagwech agii daawaad zhiwe agaa Bitakshkaagwod Ntam Inakaaneziwin woshme nigo biboon epiichi temigag owi gichi gnesh minikwe nibiish wiindamaadiwin awii bwaa nikaazang nibiish agaa temigag nigo biboon maage woshme, biitiwiwiing Baashkaakodin-giizis 20, 1995, miinwaa Odemiini-giizis 20,2021. Temigadoon waajii-emigasina gawe onji gnimaa gaawii agaa gashkitosiwaad zaam onji ado wiiwiyin, inendamowin, maage gagwaadaagendamowin azhayaawin.

Maagsejig bemaadizijig agaa ndaadiziwaad jibwaa Baashkaakodin-giizis 20, 1995, ada debinaanaa-aa dibagese dibamaadiwin giishpin gagwech agii daawaad odi Bitakshkaagwod Ntam Inakaaneziwin woshme nigo biboon epiichi temigag owi minikwe nibiish wiindamaagewin awii bwaa nikaazang nibiish agaa temigag nigo biboon maage woshme, manjigwa apii biitiwiwiing Baashkaakodin-giizis 20, 1995, miinwaa Odemiini-giizis 20,2021.

Wegnesh owi giizhiikigewin maagwemigag?

Maagsejig bemaadizijig ada debinaanaa-aa dibamaadiwin owi ensa biboon gagwech agaa daawaad zhiwe Ntam Inakaanewiziwin akiin epiichi temigag minikwe nibiish wiindamaagewin. Owi ensa nigo biboon minik dibamaadiwin dinendaagwod bkaan awii aawang newen maagsegina biboonan, dabegendaagwod owi dnowaa wiindamaagewin miinwaa owi epiichi waasa wekamig newen Ntam Inakaaneziwinan Akiin temigag.

Ninda minik dibaamaadowinan dibegendaagidon newen deminik minik, dibishko gonaa giishpin agii ndaadiziiyin jibwaa Baashkaakodin-giizis 20, 1995. Kina zhibiigan temigad odi www.firstnationsdrinkingwater.ca . Bemaadizijig eyaamijig waawinjigaadeg wiisigaapinewinan gnimaa adaa miigsewog awii debinamiwaad aanke dibagese dibamaadiwin.

Bitakshkaagwod Ntam Inakaaneziwinan e'daapinamijig owi giizhiikigewin ada debinaanaa-aa \$500,000 miinwaa aanke dibishko 50% minik agaa dibamowindwaa bebezhiig bemaadizijig owi onji minikwe nibiish wiindamaagewinan ado shkoniganiwaan.

Gaanada aabdek ada nda zhichige awii bimigaadeg newen gichi gnesh minikwe nibiish wiindamaagewinan miinwaa naadmowaa-aad bemaadizijig awii aabaji misendamowaad wenjishing minikwe nibiish zhiwe endawaad, Gaanada ada miigwen gnigen gwa \$6 million owi nibiish miinwaa nibiish webinigan aabajichigewin zhiwe shkoniganing. Temigad owi meshkod aangonetaadiwin giizhendamowin zhichigewin zhiwe Bitakshkaagwod Ntam Inakaanewiziwinan gaawii mina'nendiziwaad owi Gaanada e'gagwejitod.

Aaniish agezhi gagwedwe-aan zhoonyaa?

Bemaadizijig adaa niindaawenaa-aa onjike gagwedwe moshkinebiigan, maage ado Shkoniganing Ogimaaninwog adaa niindaawenaa-aa Shkoniganing Ogimaaninwog Debwemigag Noziwinan Zhibiigaadeg, debwewendaagwod wegwen bemaadizijig gagwech agii aawiwaad endajig zhiwe Ntam Inakaanewiziwin Akiin epiichi temigag gichi gnesh minikwe nibiish wiindamaagewin.

Dash giishpin, owi Shkoniganing Ogimaaninwog Debwemigag Noziwinan Zhibiigaadeg gaawii digosizonon waawinjigaadeg wiisigaapinewinan. Giishpin aawiyin bezhiig bemaadizid naandaawed gagwedwewin newen e'waawinjigaadegin wiisigaapinewinan, aabdeg gwii niindaawen BEZHIG gagwedwe moshkinebiigan.

Awii ginowaabmdaman miinwaa niindaawewin gagwedwe moshkinebiiganan, aga bigosenimigwo awii zhaawin www.firstnationsdrinkingwater.ca.


Ntam Inakaanewiziwinan aabdeg ada daapinaanaa-aa owi giizhiikigewin owi niindaawewaad Shkoniganing Ogimaaninwog Daapinamiwaad Giizhendamowin age dinigaadeg owi Naagaanziitang.

Wegnesh begidinimaa zhiwe giizhiikigewin?

Bebezhiig waajii-ejig Maamowi Yaang bagidinaanaa-aa ado dibiniweziwiniwaa awii dikonaa-aad Gaanada newen gagwedwewinan zhaazhigwa agaa giizhitoong zhiwe owi giizhiikigewin. Ntam Inakaanewiziwinan gaawii e'daapinaziwaad owi giizhiikigewin gaawii ada majiminaasiwog owi, dash wiigwa Onjike Bemaadizijig Debendaagoziwaad Shkoniganing yaa-aabi gwa adaa niindaawenaa-aa gagwedwewin.

Woshme gego awii gikendaman, aga bigosenimigwo awii zhaawin www.firstnationsdrinkingwater.ca maage giigidawin 1-4220.





**Ntam Inakaanewiziwinan
Minikwe Nibiish
GIIZHIKIGAADEG**

Gino Biigaadeg Wiindamaagewin owi Giizhiikigaadeg Minwaabmdamiwin

Giizhiikigaadeg owi Ntam Inakaaneziwinan Minikwe Nibiish Wiindamaagewin Maamowi Yaang Dikonigewinan

Agii adaa ana Ntam Inakaaneziwinan Akiing agaa yaamiwaad owi minikwe nibiish wiindamaagewin biitiwiwiing 1995 miinwaa 2021? Giishpin gegeti, gnimaa gdaa miigse owi dibagese dibamaadiwin.

**Aga bigosenimogwo weweni awii gindaman
maanda dibaajimowin.**

Awii gindaman maanda dibaajimowin wemitogzhiibiigaadeg: firstnationsdrinkingwater.ca

Dibaakinige gamgoon agii minwaabmdaanaa owi Giizhiikigewin biitwi Gaanada miinwaa aanin Ntam Inakaanewiziwinan miinwaa debendaagozijing zhiwe agaa yaawaad newen gichi gnesh minikwe nibiish wiindamaagewinan biitwi 1995 miinwaa 2021.

Ntam Inakaanewiziwinan miinwaa debendaagozijing zhiwe agaa madookidaagiwaad newen minikwe nibiish wiindamaagewinan ekwa Baashkaakodin-giizis 20, 1995, agii dikonaan-aan Gaanada owi dibagesiwin zhiwe niish maamowi yaang dikonigewinan. Owi Dibaakinige Gamig owi Gichi Ogimaakwe odi Manitoba miinwaa Gichi Gimaa Dibaakinige Gamig owi Gaanada agii minwaabmdaanaa-aa giizhiikigewin zhiwe newen maamowi yaang dikonigewinan. Owi giizhiikigewin dibagese dibamaagaaziwog maagsejig Ntam Inakaanewiziwinan miinwaa debendaagozijing zhiwe.

Owi wiindamaagewin dibaajimoomigad wenesh maagsed owi dibagese dibamaadiwin miinwaa waazhi gagwedweng owi. Bemaadizijing gaawii gegwedwesiwaad dibagese dibamaadiwin jibwaa Onaabidin-giizis 7, 2023 miinwaa Ntam Inakaanewiziwinan gaawii e'daapinaziwaad owi giizhiikigewin jibwaa Manidoo-giizisoons 2, 2022 gaawii ada debinaziinaa-aa dibagese dibamaadiwin.

BANGII GIKENDAMOWIN

AANIISH AGAANJI DEBINAMAA WIINDAMAAGEWIN OWI GIIZHIKIGEWIN?

Owi Dibaakinige Gamig owi Gichi Ogimaakwe odi Manitoba miinwaa Gichi Gimaa Dibaakinige Gamig owi Gaanada agii minwaabmdaanaa-aa giizhiikigewin Manidoo-giizisoons 22, 2021. Miinwaa age agii minwaabmdaanaa-aa maanda wiindamaagewin awii wiindamaagowin maanda yaawong giizhiikigewin miinwaa agezhi gagwedwewin dibagese dibamaadiwin.

WENESH E'DIGOYAAD ZHIWE GIIZHIKIGEWIN?

WENESH BEMAADIZIJIG E'DIGOYAAWAAD?

Bebezhiig bemaadizijing digoyaawog zhiwe Maamowi Yaang giishpin:

1. yaa-aabi agii bimaadiziwaad Baashkaakodin-giizis 20, 2017;
2. agii dibendaagoziwog owi shkonigan, ezhi waawinjigaadeg zhiwe *Anishinaabe Bimaakinigaaziwaad*, maage Giizhaa Agaa Yaajig bemaadizijing maampii Gaanada, adash gaawii gewe Eshkiimewi maage Wiisaakode Giizhaa Agaa Yaajig bemaadizijing maampii Gaanada, gewe waajii-ejig owi shkiwii waawiindamaagewin (owi "Ntam Inakaanewiziwinan"), owi ozhisijigaadeg ado kiimwaan dogisin owi Inaaknigewin, owi *Ntam Inakaanewiziwinan Aki Biminizhigaadeg Naaknigewin*, maage owi shkiwii waawiindamaagewin ("Ntam Inakaanewiziwinan Akiin"); miinwaa

3 Gnigen gwa nigo biboon biitiwiwiing Baashkaakodin-giizis 20, 1995, miinwaa Odemiini-giizis 20,2021, gagwech gwa agii daawog Ntam Inakaanewiziwin akiing agaa yaamiwaad owi minikwe nibiish wiindamaagewin (wegidagwen gwa awii gizhaagmizigaadeg nibiish, awii bwaa minikweng, maage awii bwaa nikaazang wiindamaagewin, maage gego bkaan dnowaa) agaa temigag gnigen gwa nigo biboon biitiwiwiing Baashkaakodin-giizis 20, 1995, miinwaa Odemiini-giizis 20,2021, (“**Bitakshkaagwod Ntam Inakaaneziwinan**”) agaa piichi temigag minikwe nibiish wiindamaagewin gnigen gwa nigo biboon agii zhising.

Bitakshkaagwod Ntam Inakaaneziwinan digoyaawog giishpin daapinamiwaad owi giizhiikigewin jibwaa Manidoo-giizisoons 2, 2022. Bitakshkaagwod Ntam Inakaaneziwinan gaawii e’daapinaziwaad owi giizhiikigewin jibwaa maanda apii gaawii ada debinaziinaa-aa dibageese dibamaadiwin.

Maagejig bemaadizijig adaa debinaa-naa-aa dibageese dibamaadiwin aanowi gwa giishpin ado Ntam Inakaanewiziwin, maage owi Ntam Inakaanewiziwin ado kiimwaam agaa daawaad, gaawii daapinaziwaad owi giichiikigewin.

Maagejig bezhig bemaadizijig agaa ndaadiziwaad jibwaa Baashkaakodin-giizis 20, 1995, ada debinaanaa-aa dibageese dibamaadiwin giishpin gagwech agii daawaad zhiwe Bitakshkaagwod Ntam Inakaaneziwinan woshme nigo biboon epiichi temigag owi gichi gnesh minikwe nibiish wiindamaagewin agaa temigad nigo biboon maage woshme, manji gwa apii biitiwiwiing

Baashkaakodin-giizis 20, 2013, miinwaa Odemiini-giizis 20,2021. Temigadoon waajii-emigasinag gewe onji gnimaa gaawii agaa gashkitosiwaad zaam onji ado wiiwiyin, inendamowin, maage gagwaadaagendamowin azhayaawin.

Maagejig bezhig bemaadizijig agaa ndaadiziwaad maage shkwaa Baashkaakodin-giizis 20, 1995, ada debinaanaa-aa dibageese dibamaadiwin giishpin gagwech agii daawaad zhiwe Bitakshkaagwod Ntam Inakaaneziwinan woshme nigo biboon epiichi temigag owi gichi gnesh minikwe nibiish wiindamaagewin agaa temigad nigo biboon maage woshme, manji gwa apii biitiwiwiing November 20, 1995, miinwaa June 20, 2021.

WENESH GEWE BEMAADIZIJIG MAAGE NTAM INAKAANEWIZIWINAN EYAAMIJIG GAGWEDWEWINAN AGE GINONAAWAAPA?

Awii ginonind giigidonini, giigidan counsel@firstnationsdrinkingwater.ca

Giishpin yaaman gagwedwewinan owi gagwedwe moshkinebiiganan maage gagwedwe nankiiwin, ginosh owa Naagaanziitang odi 1-833-252-4220.

WEGNESH NTAM INAKAANEWIZIWINAN E’DIGOYAAWAAD?

Bitakshkaagwod Ntam Inakaaneziwinan (ginowabmdan owi zhibiigaaziwaad odi www.firstnationsdrinkingwater.ca) aabdeg ada daapinaanaa-aa owi Giizhiikigewin awii miigsewaad awii debinamiwaad dibageese dibamaadiwin.

Awii daapinamiwaad owi Giizhiikigewin, Bitakshkaagwod Ntam Inakaaneziwinan aabdeg ada niindaawenaa-aa Shkonigan Ogimaaninwog Daapinamiwaad Giizhendamowin owa Naagaanziitang odi firstnationswater@deloitte.ca maage First Nations Drinking Water Settlement, PO Box 160 Stn Adelaide, Toronto, ON Canada M5C 2J2.

Owi Shkonigan Ogimaaninwog Daapinamiwaad Giizhendamowin aabdeg ada niindaawen owi menwaabmjigaadeg

izhinaagwog ozhibiigan, age dinigaadeg owa Naagaanziitang. Bitakshkaagwod Ntam Inakaaneziwinan aabdeg ada

daapinaanaa-aa owi giizhiikigewin jibwaa Manidoo-giizisoons 2, 2022 awii wiii-ewaad.



AANIISH AGEZHI DEBINAMAA DIBAGESE DIBAMAADIWIN?

WEGNESH GEWE MAAMOWI YAANG WAAJII-EJIG AGE DEBINAMIWAAD?

Bemaadizijig gnimaa adaa debinaanaa-aa dibamaadiwin ingo ensa biboon gagwech agaa daawaad zhiwe Ntam Inakaanewiziwin Akiin epiichi temigag gichi gnesh minikwe nibiish wiindamaagewin.

Ninda minik dibaamaadowinan dibegendaagidon newen deminik minig. Dibishko gonaa, giishpin agii ndaadiziiyin jibwaa Baashkaakodin-giizis 20, 1995, gnimaa goweta gdaa miigse owi dibagese dibamaadiwin shkwe-aang apiinish Baashkaakodin-giizis 20, 2013, dash goweta giishpin agii debinaman aanin wiiwiyin, inendamowin, maage gagwaadaagendamowin aakoziwinan.

Dinenjigaade newen minik dibamaadiwin bkaan ada aawinon newen maagegin biboonan, dibegendaagwog owi dnowaa wiindamaagewin miinwaa owi epiichi waasa wekamig newen Ntam Inakaaneziwinan Akiin temigag. Newen maagegin biboonan dibaamijigaadenon owi epiitizing enowendaagwog deminik minik ayaawong:

- Bemaadizijig agaa ndaadiziwaad **jibwaa** Baashkaakodin-giizis 20, 1995 adaa gagwedwewog kina newen biboonan miinwaa aanin newen owi 7.6 biboon ayaawong biitiwiwiing **Baashkaakodin-giizis 20, 2013, miinwaa Odeminii-giizis 20, 2021** apii gagwech agaa aawiwaad endaaig shkoniganing epiichi temigag minikwe nibiish wiindamaagewin agaa temigag nigo biboon maage woshme. Temigadoon waajii-emigasinag gewe onji gnimaa gaawii agaa gashkitosiwaad zaam onji ado wiiwiyin, inendamowin, maage gagwaadaagendamowin azhayaawin.
- Bemaadizijig agaa ndaadiziwaad **apii maage shkwaa** Baashkaakodin-giizis 20, 1995, adaa gagwedwewog kina newen biboonan owi 25.6 biboon minik biitiwiwiing **Baashkaakodin-giizis 20,1995, miinwaa Odeminii-giizis 20, 2021**, apii gagwech agaa aawiwaad endaaig shkoniganing epiichi temigag minikwe nibiish wiindamaagewin agaa temigag nigo biboon maage woshme.

Bemaadizijig eyaamijig waawinijigaadeg wiisigaapinewinan gnimaa adaa miigsewog awii debinamiwaad aanke dibagese dibamaadiwin.

Bitakshkaagwod Ntam Inakaaneziwinan e'daapinamijig owi giizhiikigewin ada debinaanaa-aa \$500,00 miinwaa aanke dibishko 50% minik agaa dibamowindwaa bebezhiig bemaadizijig owi onji minikwe nibiish wiindamaagewinan ado shkoniganiwaan.

AANIISH APII BEBEZHIG BEMAADIZIJIG MIINWAA NTAM INAKAANEWIZIWINAN AGE DEBINAMIWAAD DIBAGESE DIBAMAADIWIN?

Bemaadizijig adaa niindaawenaa-aan gagwedwewin moshkinebiiganan apiinish Onaabidin-giizis 7, 2023. Shkwaa ekwaasemigag owi gagwedwewin ayaawong, owa Naagaanziitang ada diba-aanan debwemigag gagwedwewinan owi dibagese dibamaadiwin.

Ntam Inakaanewiziwinan ada dibamaagaaziwog owi \$500,000 ntam dibagewin biinji zhaangisimidana giizhigad owi ado daapinamiwaad maage owi apii giizhigad owi Dibaakinige Gamig minwaabmdang owi giizhiikigewin bezhigwendamowin giizhiitaamigag, wegwen gwa ntam ayaawong.

Ensa nigodwaaswi giizis, ensa bezhig Ntam Inakaanewiziwin ada debinaan dibamaadiwin dibishko 50% minik agaa dibamowindwaa maagejig bemaadizijig gagwech agaa daajig Ntam Inakaanewiziwin shkonigan epiichi temigag gichi gnesh minikwe nibiish wiindamaagewin. Newen dibamaadiwinan adaa maajitaamigadoon shkwaa ekwaasemigag owi gagwedwewin.

AANIISH BEMAADIZIJIG MIINWAA NTAM INAKAANEWIZIWINAN AGEZHI DEBINAMIWAAD DIBAGESE DIBAMAADIWIN?

Bemaadizijig adaa niindaawenaa-aa onjike gagwedwe moshkinebiigan, maage ado Shkoniganing Ogimaaninwog adaa niindaawenaa-aa Shkoniganing Ogimaaninwog Debwemigag Noziwinan Zhibiigaadeg, debwewendaagwog wegwen



bemaadizijig gagwech agii aawiwaad endaaajig zhiwe Ntam Inakaanewiziwin Akiin epiichi temigag gichi gnesh minikwe nibiish wiindamaagewin. Dash giishpin aawiyin bemaadizid naandaawed gagwedwewin newen waawinjigaadeg wiisigaapinewinan, aabdek giin gwii niindaawen owi gdo gagwedwe moshkinebiigan. Owi Shkoniganing Ogimaaninwog Debwemigag Noziwinan Zhibiigaadeg gaawii digosizionon waawinjigaadeg wiisigaapinewinan.

Owi zhiwebak niibna tegin agaa niindaaweng, owi bemaadizid gagwedwe moshkinebiigan ada niigaanendaagwod apiish newen Shkoniganing Ogimaaninwog Debwemigag Noziwinan Zhibiigaadeginan.

Giishpin agii debinaman wiisigaapinewin maage gwiiniwinendaman endogwen agii digobiigaaziin zhiwe Shkoniganing Ogimaaninwog Debwemigag Noziwinan Zhibiigaadeg, aga bigosenimigwo awii moshkinebiiman Onjike Bemaadizid Gagwedwe Moshkinebiigan maage ginonad owa Naagaanziitang.

Awii ginowaabmdaman miinwaa niidaawewin gagwedwe moshkinebiiganan, aga bigosenimigwo awii zhaawin **www.firstnationsdrinkingwater.ca**.

Ntam Inakaanewiziwinan aabdeg ada daapinaanaa-aa owi giizhiikigewin owi niindaawewaad Shkoniganing Ogimaaninwog Daapinamiwaad Giizhendamiwin age dinigaadeg owi Naagaanziitang.

Maagejig bemaadizijig adaa debinaanaa-aa dibagese dibamaadiwin waa-aaj gwa giishpin ado Ntam Inakaanewiziwin, maage owi Ntam Inakaanewiziwin zhiwe Ntam Inakanewiziwiniwaa akiing agaa daawaad, gaawii depinaziwaad owi giizhiikigewin.

Gagwedwe Moshkinebiiganan adaa niindaawem owa Naagaanziitang owi moshkinebiigaadeg owi waasamo-asabi Gagwedwe Moshkinebiigan odi **www.firstnationsdrinkingwater.ca**, maage waasamo biiwaabikoons mazinaatesing owi Gagwedwe Moshkinebiigan odi **firstnationswater@deloitte.ca** mazinaatesijigan niindaaweng odi 647-738-5206, maage niindaaweng e' pangijibideg mazinigan odi First Nations Drinking Water Settlement, PO Box 160 Stn Adelaide, Toronto, ON Canada M5C 2J2.

Gichi piitendaagwod owa Gegwedwed niindaawed bezhig goweta Gagwedwe Moshkinebiigan owa Naagaanziitang, nikaazang bezhig owi maampii shpiming ezhibiigaadeg.

NDO MINEZIN ANA NDO GIIGIDONINI AWII ZHITOOD OWI GAGWEDWEWIN?

Gaawii. Maamowi Yaang Giigidonini gdo naabshkaag. Gdaa ginonaa Maamowi Yaang Giigidonini odi **counsel@firstnationsdrinkingwater.ca**.

AANIISH AGEZHI DIBAMAAGAAZIWAAD GEWE GIIGIDONINWOG?

Gaanada, (gaawii maamowi yaang waajii-ejig), ada diba-anaa-aa owi Maamowi Yaang Giigidonini ado nangidaasiwin onji dibaakonang owi maamowi yaang miinwaa aabajitaad naadamowaad bebezahig bemaadizinjin miinwaa Ntam Inakaanewiziwinan. Newen dibaakinige gamgoon agii minwaabmdaanaa-aan newen Maamowi Yaang Giigidonini ado nangidaasiwin miinwaa gaawii memkaach gego aga dibagesii awii zhitowin gagwedwewin.

WEGNESH BEGIDINIMAA ZHIWE GIIZHIKIGEWIN?

Maamowi yaang waajii-ejig bagidinaanaa-aa ado dibiniweziwiniwaa awii dikonaad Gaanada newen gagwedwewinan zhaazhigwa agaa giizhiikigaadeg zhiwe owi giizhiikigewin. Maanda adamoomigad gaawii maamda aji dikonad Gaanada gego binaajichigewinan agaa zhiwebak jibwaa Odeminii-giizis 20, 2021, agaa onji zhiwebak owi Gaanada bwaaniwitowin awii miigwed wenjishing minikwe nibiish gdo shkoniganing.

Ntam Inakaanewiziwinan gaawii e'daapinaziwaad owi giizhiikigewin gaawii ada majiminaasiwog owi, dash wiigwa Onjike Bemaadizijig Debendaagoziwaad Shkoniganing yaa-aabi gwa adaa niindaawenaa-aa gagwedwewin.



NDAA GIJIBIIWIDIS ANA OWI GIIZHIKIGEWIN?

Beamdizijig gaawii maamda awii gijibiiwidiziwaad owi giizhiikigewin bwaa yaamiwaad dibaakinege gamlg minwaabmdamiwin. Maamowi Yaang Giigidonini gaawii gashkitosiinaa-aa awii naadmowaa-aad bemaadizig awii gijibiiwidiziwaad owi giizhiikigewin. Bemaadizijig nendowendamowaad awii dowaabmdamiwaad nigadimowaad Dibaakinige Gamgoon awii gijibiiwidiziwaad owi giizhiikigewin adaa ginoonaa-aan bekaanzinjin giigidonini.

Ntam Inakaanewiziwinan gaawii memkaach dowendaagozisiwog awii minwendamowaad owi giizhiikigewin. Giishpin Ntam Inakaanewiziwin gaawii daapinazig owi giizhiikigewin, owi giizhiikigewin gaawii ada naawisidosiinan newen maamowi maage shkonigan gagwedwewinan owi Ntam Inakaanewiziwin.

Gaawii gdo dowendaagozisii awii niindaawewin gagwedwewin, dash giishpin gijibiiwidiziwaad owi giizhiikigewin miinwaa gaawii niindawesiwan gagwedwewin, miinwaa owi shkonigan gaawii miinaasiin owa Naagaanzitang owi debwewin endaawin, gaawii aga debinaziin dibagese dibamaadiwin miinwaa age yaa-aabi aga bagidinaan gdo dibiniweziwin awii dikonad Gaanada.

WEGNESH YAAWONG BKAAN AANIN BAMITAAGEWINAN GEWE NTAM INAKAANEWIZIWINAN MIINWAA GEWE DEBENDAAGOZIJIG ZHIWE OWI GIIZHIKIGEWIN?

1. Gaanada agii inendam awii zhitood kina gashkitowinan awii nda zhichiged awii aasgaabiwitamowaad owi bimigaadeg owi gichi gnesh minikwe nibiish wiindamaagewinan medookidaagiwaad owi Maamowi Yaang.
2. Gaanada agii inendam awii zhitood kina gashkitowinan awii gagwekwendaagwog gewe maamowi yaang waajii-ejig endajig shkoniganing aabaji ayaamiwaad minikwe nibiish endaawaad. Gaanada ada binaajitooon gnigen gwa \$6 billion jibwaa Onaabidin-giizis 31, 2030, awii maajitaamigag owi waawindamowin awii dibamowaad gegeti gwa epiitigindeg owi zhichigaadeg, aanjichigaadeg, bimibidechigaadeg, miinwaa naagidowenjigaadeg owi nibiish aabijichigewin zhiwe shkoniganing.
3. Gaanada agii inendam owi meshkod aangunetaadiwin giizhendamowin naagsijigan awii giizhendamang wegwen aanke zhichiganan nendowendaagwog awii naadmaagaaziwaad bemaadizijig awii debinamiwaad misendamowin owi wenjishing minikwe nibiish zhiwe endaawaad.
4. Gaanada agii inendam awii zhichigewaad kina mina gajchigewinan awii nigaasidowaad owi *Wenishing Minikwe Nibiish gewe Ntam Inakaanewiziwinan Naanknigewin*, S.C. 2013, c. 21 Jibwaa Onaabidin-giizis 31, 2022, miinwaa nabshkaasidod owi nikaazang naanknigewin age nanaawitoong minikwe nibiish zhiwe Ntam Inakaanewiziwinan shkoniganan.
5. Gaanada agii inendam awii miigwed \$20 million awii maajitaachigaadeg owi Ntam Inakaaneziwinan Giikimigewin Anookitamajig owi Wenjishing Minikwe Nibiish.
6. Gaanada agii inendam awii miigwed \$9 million awii dibamowaad Ntam Inakaanewiziwinan gimaawin bezhigo onendamowinan miinwaa naanknigewinan zhichigaadeg.



WENESH AGE GIIGIDOTAMOWID?

WENESH GEWE GIIGIDONINWOG E'GIIGITAMOWIJIG?

Gewe e'Giigidotamaagejig Dekonigejig miinwaa owi Maamowi Yaang giigidotamaagaaziwog owi McCarthy Tétrault LLP miinwaa Olthuis Kleer Townshend LLP ("Maamowi Yaang Giigidonini"). Gdaa ginonaa Maamowi Yaang Giigidonini odi counsel@firstnationsdrinkingwater.ca.

AABDEG ANA ANII DIBAMOWAA MAAMOWI YAANG GIIGIDONINI?

Gaawii. Dibaakinige Gamig agii minwaabmdaan Maamowi Yaang Giigidonini ado ningidaasowin.

AANIISH GIISHPIN DOWENIMAG NIIN NDO GIIGIDONINI?

Giishpin dowendaman awii aangizhewad giin gdo giigidonini, aabdeg gnimaa giin aga dibamowaa.

AANIISH NTAM INAKAANEWIZIWINAN AGEZHI DAAPINAMOWAAD OWI GIIZHIKIGEWIN?

Ntam Inakaanewiziwinan maagejig owi giizhiikigewin aabdeg ada niindaawenaa-aa Shkonigan Ogimaaninwog Daapinamiwaad Giizhendamowin miinwaa miigwewaad mazinaakizigan owa Naagaanziitan jibwaa Manidoo-Giizisoons 2, 2022

Woshme gego awii gikendaman, gnowaabmdan www.firstnationsdrinkingwater.ca maage ginosh owa

Naagaanziitang odi 1-833-252-4220. Miinwaa age gdaa niindaawenan gagwedwewinan owi Maamowi Yaang

Giigidonini odi counsel@firstnationsdrinkingwater.ca.

WEGNESH GEWE NTAM INAKAANEWIZIWINAN AGE GINONAAWAAD AWII DAAPINAMIWAAD OWI GIIZHIKIGEWIN?

Ntam Inakaanewiziwinan eyaamijig gagwedwewinan adaa ginonaawaan Maamowi Yaang Giigidoniniwon odi counsel@firstnationsdrinkingwater.ca.

Ntam Inakaanesiwinan eyaamijig Shkonigan Ogimaaninwog Daapinamiwaad Giizhendamowin daapinamiwaad owi giizhiikigaadeg bezhigwendamowin adaa miigwenaa-aa mazinaakizigan owa Naagaanziitan jibwaa Manidoo-Giizisoons 2, 2022 owi niindaawewaad waasamo biiwaabikoong mazina-igan odi firstnationswater@deloitte.ca maage niindaawewin odi to First Nations Drinking Water Settlement, PO Box 160 Stn Adelaide, Toronto, ON Canada M5C 2J2.

WEGNESH AGE GINONAG WOSHME GIKENDAMOWIN AWII DEBINAMAA?

Gdaa ginonaa owa Naagaanziitang odi 1-833-252-4220.

Miinwaa age gdaa debinaa Maamowi Yaang Giigidonini odi counsel@firstnationsdrinkingwater.ca.

